



ТОШКЕНТ ОҚШОМИ

2019 йил 19 ДЕКАБРЬ, ПАЙШАНБА

Газета 1966 йил 1 июлдан чиқа бошлаган

ШАҲАР ИЖТИМОИЙ-СИЁСИЙ КУНДАЛИК ГАЗЕТАСИ

№ 198 (14.045)

Баҳоси эркин нарҳда

ЎЗБЕКИСТОН – ЯПОНИЯ:

САВДО-ИҚТИСОДИЙ, ИНВЕСТИЦИЯВИЙ ВА ТЕХНОЛОГИК ҲАМКОРЛИК СОҲАСИДА ЯНГИ САҲИФА

Давлатимиз раҳбари Япония Бош вазири ўринбосари, молия вазири Таро Асо, парламентдаги “Ўзбекистон – Япония” дўстлик лигаси фаоллари ҳамда Кунчиқар мамлакатнинг етакчи компаниялари ва банклари вакиллари билан учрашувлар ўтказди

Аввал хабар қилинганидек, Ўзбекистон Республикаси Президенти Шавкат Мирзиёев Япония Бош вазири Шиндзо Абэнинг тақлифига биноан 17 декабрь куни расмий ташрифи билан Нагоя шаҳрига келди.

Давлатимиз раҳбарининг Японияга ташрифи дастури 18 декабрь куни тонгда Аичи префектураси губернатори Хидэки Омура билан учрашувдан бошланди.

Аичи префектураси Япониянинг марказий қисмида, Тюбу вилоятида жойлашган. Префектуранинг ялпи ички маҳсулоти ҳажми 375,3 миллиард доллар бўлиб, Токиодан кейин иккинчи ўринда туради. Автомобилсозлик, аэрокосмик саноат, керамика буюмлари ишлаб чиқариш, металлургия, қишлоқ хўжалиги ҳудуд иқтисодиётининг асосий тармоқлари ҳисобланади.

Аичи саноат маҳсулотлари ишлаб чиқариш бўйича Японияда етакчи. Ҳудудда “Toyota” корпорацияси, шунингдек, автомобиллар учун бутловчи қисмлар тайёрлайдиган кўплаб заводлар (кластерлар) қароргоҳлари ва ишлаб чиқариш қувватлари жойлашган. Шунингдек, бу ерда Япониянинг Toyota Motor Corporation, DENSO, Panasonic Ecosystems, Mitsubishi Aircraft Corporation, Brother Industry, Aichi Steel, Makita, Rinnai, INAX, Kagome, Daido Metal Industry, Asahi Beer сингари йирик компаниялари фаолият кўрсатади.

Транспорт қисмлари, технологик ускуналар, чўян ва пўлат, каучук ва пластмасса ишлаб чи-

қариш бўйича ҳам префектуранинг салоҳияти юқори.

Тюбу вилояти самолёт ва улар учун эҳтиёт қисмларнинг 50 фоизини ишлаб чиқарадиган Япониянинг аэрокосмик технологиялар тайёрлайдиган йирик маркази ҳамдир. Аичи префектураси саноат роботлари етказиб бериш, уларни ишлаб чиқарувчи корхоналар ва соҳада фаолият юритувчи мутахассислар сони бўйича Кунчиқар мамлакатда биринчи ўринда туради.

2018 йилда ҳудуднинг ташқи савдо айланмаси 226,5 миллиард долларни ташкил этган. АҚШ, Хитой, Европа Иттифоқи давлатлари, Корея Республикаси унинг асосий савдо ҳамкорлари ҳисобланади.

Ўзбекистон учун Япониянинг ушбу маъмурий ҳудуди билан тўғридан-тўғри алоқалар ўрнатиш ҳар томонлама манфаатлидир.

Учрашувда мамлакатимиз билан Аичи префектураси ўртасида таълим ва маданият соҳасида самарали мулоқотлар йўлга қўйилгани катта мамнуният билан қайд этилди.

Инновациялар, саноат, қишлоқ хўжалиги ва қўшма агрокластерлар ташкил этиш, туризм, академик алмашинув соҳаларида ўзаро манфаатли ҳамкорликни кенгайтириш ва аниқ лойиҳаларни илгари суриш учун имкониятлар мавжудлиги алоҳида таъкидланди.

Ўзбекистон томонидан префектуранинг шериги этиб Тошкент вилояти белгиланди. Ўзаро ташрифларни ташкил қилиш ва Амчидан авиақат-

новларни йўлга қўйиш масаласини кўриб чиқишга келишиб олинди.

Ўзбекистон Республикаси Президенти Шавкат Мирзиёев Нагоя шаҳри мэри Такаси Кавамура билан учрашув ўтказди.

Нагоя Япониянинг илм-фан ва саноат тараққий этган йирик маркази бўлиб, ялпи ички маҳсулоти 117 миллиард доллардан ошади. Бу аҳоли жон бошига ҳисоблаганда 52 минг долларга тенг. Машинасозлик, металлургия, кимё, нефтни қайта ишлаш, тўқимачилик, енгил саноат ҳудуднинг асосий саноат тармоқлари ҳисобланади. Япониянинг энг йирик портларидан бўлган Нагоядан йилга 110 миллион тоннадан зиёд юк ташилади.

Музокарада Нагоя мэрияси делегациясининг Ўзбекистонга ташрифи натижасида эришилган келишувларни амалга ошириш масалалари муҳокама қилинди.

Пойтахтимиз Тошкентда Нагоя юқори технологиялар паркни ташкил этиш, иқтисодиёт, саноат, транспорт, таълим, туризм ва бошқа устувор йўналишларда инновацион лойиҳаларни амалга ошириш шулар жумласидан.

2020 йилга мўлжалланган қўшма тadbирлар “Йўл харитаси”ни ишлаб чиқишга келишиб олинди.

Учрашув сўнггида Тошкент шаҳар ҳокимлиги ва Нагоя мэрияси ўртасида шериклик тўғрисида битим имзоланди.

(Давоми 2-бетда)

ЎЗБЕКИСТОН ЎЗARO МАНФААТЛИ ҲАМКОРЛИК УЧУН ОЧИҚДИР

Ўзбекистон Республикаси Президенти Шавкат Мирзиёев Японияга расмий ташрифи доирасида ушбу мамлакатда чоп этиладиган “Nikkei” газетасида интервью берди.

1876 йилда асос солинган, дунёдаги йирик молиявий нашрлардан бири бўлган ушбу газета 3 миллиондан зиёд нусхада чоп этилади. Куйида ушбу интервьюнинг таржима-си берилмоқда.

— Мухтарам Президент Жаноблари, Сиз Япония билан икки томонлама муносабатлар, айниқса, иқтисодиёт соҳасидаги ўзаро ҳамкорликнинг бугунги ҳолатини қандай баҳолайсиз?

— Япония Ўзбекистон учун доимо вақт синовида ўтган, ишончли ва стратегик шерик бўлиб келган ва шундай бўлиб қолади.

Япония ҳукуматининг кўмағида, “Ривожланиш учун расмий ёрдам” дастури доирасида мамлакатимизда қиймати 4 миллиард доллардан зиёд бўлган йирик лойиҳалар амалга оширилди.

Иқтисодий ҳамкорлигимизнинг асосий соҳалари — бу электр энергетикаси, нефть-газ, нефть-кимё ва кимё тармоқлари, машинасозлик ва туризм ҳисобланади.

Ишончли, бўлажак Ўзбекистон — Япония саммити доирасида эришилган келишувлар икки мамлакат ўртасидаги муносабатларни ривожлантиришда янги даврни бошлаб, шериклик алоқаларимизнинг янги йўналишларини белгилаб беради.

— Японияга ташрифининг доирасида қандай икки томонлама ҳужжатлар имзоланиши кўзда тутилган?

— Ташриф давомида Япония етакчи компанияларининг тўғридан-тўғри инвестицияларини назарда тутадиган бир қатор шартномаларни имзоланиши режалаштирилган.

Амалга оширилиши белгиланган қўшма инвестициявий лойиҳаларнинг умумий қиймати 6 миллиард доллардан зиёдни ташкил этади.

Ийрик ва муҳим аҳамиятга молик лойиҳалар орасида қиймати қарийб 2 миллиард доллар бўлган Навой иссиқлик электр станциясининг учинчи ва тўртинчи буғ-газ қурилмасини қуриш бўйича ишлаб давом эттирилишини алоҳида таъкидлашни истардим. Яна бир муҳим лойиҳа (қиймати 200 миллион доллар) мева-сабзавотчиликни ривожлантириш, Ўзбекистонда экспортга йўналтирилган замонавий қишлоқ хўжалиги кластерларини ташкил этишга қаратилган.

— Ўзбекистон иқтисодиётининг асосий салохияти ва жозибдор жиҳатларини нималарда кўрасиз?

— Ўзбекистонда сўнгги йилларда инвестиция муҳитининг яхшиланиши натижасида хорижий капитал иштирокида ташкил этилган корхоналар сони 2 баробарга ортди. Бугунги кунда уларнинг сони 10 мингга ташкил этмоқда.

Биз бу йил хорижий инвестицияларни уч баробар кўп, яъни 7 миллиард доллардан кам бўлмаган миқдорда ўзлаштиришни мўлжаллаб турибмиз.

Ўзбекистон улкан минерал-ҳом ашё ресурсларига эга бўлиб, олтин, уран, мис, калий тузлари, фосфоритлар каби бойдоқли қазилмалар захиралари бўйича дунёдаги ўнта етакчи давлат қаторида қайд этилади. Биз биргаликда илгор япон технологиялари ёрдамида уларни янада чуқур қайта ишлаш ва юқори қўшимча қийматга эга маҳсулотлар ишлаб чиқаришни таъминлашга эришишимиз мумкин.

(Давоми 2-бетда)

Ўзбекистон Республикаси Президенти Шавкат Мирзиёев Японияга расмий ташрифининг биринчи куни Нагоя университетиде бўлиб, у ерда профессор-ўқитувчилар ва талабалар билан учрашди. Дунёга машҳур ушбу олий ўқув юртида давлатимиз раҳбарининг университет фахрий доктори унвони билан тақдирланишига бағишланган тантанали маросим бўлиб ўтди. Куйида Президентимизнинг учрашув чоғида сўзлаган нутқи эълон қилинмоқда.

ЎЗБЕКИСТОН РЕСПУБЛИКАСИ ПРЕЗИДЕНТИ ШАВКАТ МИРЗИЁЕВНИНГ НАГОЯ УНИВЕРСИТЕТИДАГИ УЧРАШУВДАГИ НУТҚИ

Мухтарам Мацуо жаноблари! Ҳурмати профессорлар ва талабалар, университет жамоаси!

Хонимлар ва жаноблар! Аввало, Нагоя университети президентининг самийий дил сўзлари ва эзгу тилаклари учун чин қалбимдан ташақкур изхор этаман.

Уйлайманки, менинг Президент сифатида мамлакатингизга илк ташрифим ҳақида билдирилган фикрлар, мана шундай эътибор, бир-биримизга ҳурмат, илқ муносабат ҳақиқатан ҳам Япония ва Ўзбекистон ўртасидаги муносабатларни мустахкамлаш, келгусида катта натижаларга эришиб йўлида ишончли замин яратаяди.

Биз Нагоя университетининг дунёдаги энг нуфузли илм-фан ва таълим масканларидан бири сифатида эътироф этамиз.

Нобель мукофоти совриндорлари Рёки Ноёри, Осаму Симомура, Макото Кобаяси, Тосихиде Маскава, Исаму Акасаки, Хироси Аmano ва бошқа машҳур олимларни етиштириб берган ушбу университетнинг фахрий доктори деган юксак шарафга муносиб кўрилганимдан гоятда хурсандман.

Бу унвонни мен аввало Ўзбекистон халқига кўрсатилган эҳтиром ифодаси, деб қабул қиламан ва бунинг учун Нагоя университети раҳбариятига, унинг илмий жамоасига чуқур миннатдорчилик билдираман.

Мен Нагоя университетининг фахрий доктори сифатида Ўзбекистонда унинг улкан илмий салоҳияти ва ютуқларини кенг тарғиб ва ташвиқ қилишга, таъбир жоиз бўлса, ушбу университетнинг ишончли вакили сифатида иш олиб боришга ҳаракат қиламан.

Бугун жаҳонга машҳур Нагоя шаҳри ҳақида халқ орасида шундай ибора бор экан: “Нагоя қалъаси бўлмаганида Нагоя шаҳри ҳам бўлмас эди”. Мен бунга қўшимча қилиб: “Нагоя университетида Нагоя шаҳрини ҳам тасаввур этиб бўлмайди”, деган булардим.

Маълумки, мамлакатларимиз ўртасидаги муносабатлар кўп асрлик тарихига эга. Япониянинг машҳур Нара шаҳри музейида сўғ ёзувида битилган ёдгорликлар борлиги бунга яққол тасдиқлайди.

Япон археолог, марҳум профес-

сор Като томонидан Қушон подшоҳлигининг дастлабки пойтахти бўлган Ўзбекистондаги Далварзиптепадан топилган будда ибодатхонаси ва қирққа яқин ҳайкаллар япон ва жаҳон илмий жамоатчилигида катта қизиқиш уйғотиб келмоқда.

Шу ўринда ўзбек ва япон халқларини ўхшаш миллий ва ахлоқий қадриятлар билан бирга илм-фан ва тафаккурга, қамолотга доимо интилиб яшаш каби эзгу қадриятлар бирлаштириб туришини эътироф этмоқчиман.

Бизнинг улғу боболаримиз — алгебра фани ва “Алгоритм” тушунчасининг асосчиси Ал-Хоразмий, Ернинг айланаси узунлиги ва радиусини илк бор ҳисоблаб чиққан Ал-Беруний, тарихда Авиценна номи билан машҳур бўлган, жаҳон тиббиёт фани ривожига улкан ҳисса қўшган Ибн Сино, ноёб расадхона ва 1018 та юлдузнинг жойлашуви аниқ акс эттирилган астрономик жадвал яратган Мирзо Улуғбек каби буюк ўзбек олимларининг илмий меросини, уйлайманки, сизлар яхши биласизлар.

Қадри дўстлар! Биз Ўзбекистонда бундан уч йил аввал миллий тараққийимизнинг янги Ҳаракатлар стратегиясини қабул қилдик. Жамият ҳаётида ҳар томонлама очилки ва эркинликни таъминлаш, мамлакатни модернизация қилишга асосланган ушбу Стратегия доирасида беш устувор йўналишда изчил ишловларни амалга оширмоқдамиз.

Бу жараёнда энг ривожланган давлатларнинг, хусусан, илгор япон таърибасидан унумли фойдаланишга алоҳида эътибор қаратмоқдамиз. Чунки Япония бизнинг вақт синовида ўтган, ўзаро ишонч ва ҳурмат тамойилларига асосланган стратегик шеригимиздир.

Биз ушбу ташрифини ўзаро манфаатли ва узок муддатли ҳамкорлигимиз тарихида бошланаётган мутлақо яқиндан кўмаклашмоқда.

Мамлакатимиз мустақилликка эришганидан сўнг 5 мингдан зиёд ёшларимиз Япония университетларини тамом-

лаб, ўз билим ва таърибаларини Ватанимиз равиқли учун сафарбар этаётгани алоҳида эътиборга лойиқ.

Мен кўп йиллар олий таълим тизимида ишлаган инсон сифатида бу соҳанинг шарафли, шу билан бирга нақадар машаққатли ва масъулиятли эканини яхши биламан.

Биз бугун учрашиб турган Нагоя университети билан Ўзбекистоннинг ҳамкорлиги 20 йилдан зиёд тарихга эга. Сизнинг университетингиз 2010 йилда Тошкент шаҳрида ўз ваколатхонасини очганини биз юксак баҳолаймиз. Ҳозирга қадар маъмурият даражасида 400 дан ортиқ ўзбекистонлик талаба ва тадқиқотчилар ташкил олган айниқса қувонарлидир.

Бугунги учрашувимизда Японияда ўқиб турган кўплаб ёшларимизни кўриб турганимдан хурсандман. Сизлар ўз истеъдод ва салоҳиятингизни намоян эштишингиз учун Ўзбекистонда барча шароит ва имкониятларни яратиб берамиз. Мен ҳозир сизларни кўриб, юзингиздаги, чеҳрангиздаги ўзингизга бўлган ишончнингизни қис қилиб хурсанд бўлиб ўтирибман. Сизларга қараб, барчангиз чиндан ҳам жонажон Ватанимизга муносиб ўғил-қизлар бўлишингизга ишонч ҳосил қилдим. Энг катта вазифангиз — вақтингизни бекор ўтказмасдан, аяло ўқиш, юқори технологияларни чуқур эгаллаш, Ўзбекистон ва Япония ўртасида дўстлик ва ҳамкорликни янада мустахкамлашга ҳисса қўшишдан иборатдир. Шу йўлда барчангизга янги ютуқ, бахт ва омадлар тилайман.

Ҳурмати хонимлар ва жаноблар! Глобаллашув даврида жаҳоннинг кўпгина тараққий этган давлатлари “ахборот жамияти”, “билимлар иқтисодиёти”, “рақамли иқтисодиёт” йўлини танлаганига гувоҳимиз.

Замонавий дунёда инсон капиталли, интеллектуал салоҳият, инновацион ғоялар, юқори технологиялар жадвал ва барқарор тараққийнинг фундаментал асосини ташкил қилмоқда.

Бундан ярим аср муқаддам пухта ўйланган, тараққийнинг илм-фанга асосланган “япон модели” туфайли мамлакатингиз бугун барча соҳаларда етакчи давлатлардан бирига айланди.

(Давоми 2-бетда)

XXI аср саҳоси

Барча манбалардан олинган сўнги хабарлар

МАМЛАКАТИМИЗДА

● Андижон шаҳридаги Ёшлар марказида туризм соҳасидаги фермон ва қарорлар мазмун-моҳиятини тарғиб этиш, уларнинг ижроси, қонунчиликдаги соҳага оид янгиликларга бағишланган давра суҳбати бўлиб ўтди. Давра суҳбатида сайёҳликни ривожлантириш, туристик объектлар инфратузилмасини яхшилаш борасида амалга оширилаётган ишлар, мавжуд муаммолар, туроператорларга яратиб берилаётган кенг имкониятлар, шунингдек, визаларни расмийлаштиришда юзага келаётган қийинчиликлар ҳамда соҳани янада ривожлантириш, муаммоларни бартараф этиш юзасида тақлиф, фикр ва мулоҳазалар билдирилди.

● Сурхондарё вилояти Шўрчи туманидаги 43-умумий ўрта таълим мактабига япониялик археолог олим Като Кюдзо номи берилди. Зеро, кунчиқар мамлакат халқлари билан биродарлик ришталарини, илм-фан, маданият ва санъат соҳасидаги алоқаларни мустахкамлашда япониялик археолог, антрополог, тарихчи ва этнограф Като Кюдзонинг ҳам муносиб ҳиссаси бор.

● “Ўздонмаҳсулот” акциядорлик компанияси ташаббуси билан “Тўрткўл дон маҳсулотлари” масъулият чекланган жамиятига пресс-тур ташкил этилди. Тадбир иштирокчилари дастлаб ушбу масъулият чекланган жамиятга қарашли тегириком цехининг очилиш маросимида иштирок этди. Умумий қиймати 7 миллиард сўм бўлган янги цехда бир кеча -кундузда 60 тонна буғдой қайта ишланиб, сифатли ун маҳсулоти ишлаб чиқарилади. Цехда 20 нафардан зиёд киши иш билан таъминланди.

● Наманган шаҳри, Тўрақўрғон ва Наманган туманларида ташкил этилган ярмаркада жисмоний ва юридик шахсларга вилоят ҳудудида бўш турган ер участкалари, бино ва иншоотлар, савдога чиқарилган давлат активлари тақлиф этилди. Умумий майдони 13 гектардан зиёд 131 та ер участкаси, ижара шартномаси асосида фойдаланиш учун 32 та давлат объекти, эркин иқтисодий зоналардан 400 гектардан зиёд ер майдони ва 22 та давлат объекти, кичик саноат зоналаридаги 21 та бўш турган объект ва ер участкалари, шунингдек, савдога чиқарилган 6 та давлат активи тадбиркор ва ишбилармонларга сотиб олиш, ижара шартномаси асосида фойдаланиш, давлат-шериклик тамойили асосида лойиҳаларни амалга ошириш учун тақдим этилди.

ЖАҲОНДА

● Янги Зеландиянинг Уайт-Айленд оролида вулқон отилиши вақтида камида 5 киши ҳалок бўлди. Вулқон отилиши вақтида оролда 50 га яқин одам бўлган. Улар орасида янги зеландияликлардан ташқари, хорижий сайёҳлар ҳам бор эди. Полиция маълумотларига кўра, 18 киши куйиш ва турли огирликдаги тан жароҳатлари олган. Қурбонлар ва жабрланганлар орасида хорижиликлар ҳам бор. Таъкидланишича, оролда яна 27 киши қолаётган бўлиши мумкин. Вулқон 3,6 км. дан баяндрокқа кул отган. Янги Зеландия бош вазири Жасинда Ардерн полиция ва фавқулодда хизматлар фожиадан жабрланган барчага имкони бор ёрдамдан кўрсатаётганини таъкидлаб ўтган. Уайт-Айленд Янги Зеландиядаги ягона фаол вулқон ороли бўлиб, у охириги марта 2012 йил охирида отилган. Ушбу оролга дунёнинг турли бурчакларидан кўплаб сайёҳлар ташриф буюради.

● Москва шаҳри чеккасидаги катта омабордан чиққан ёнғин улкан талафотларга олиб келди. Фавқулодда вазиятлар вазирлигининг маълумотларига кўра, уч минг квадрат метр майдонни қамраб олган ёнғинни ўчириш учун вертолётлардан сув сепади, юзлаб ўт ўчирувчилар ўз маҳоратларини ишга солишди. Табиий офат натижасида битта ўт ўчирувчи жароҳатланди.

ЎЗБЕКИСТОН РЕСПУБЛИКАСИ ПРЕЗИДЕНТИ ШАВКАТ МИРЗИЁЕВНИНГ НАГОЯ УНИВЕРСИТЕТИДАГИ УЧРАШУВДАГИ НУТҚИ

(Давоми. Боши 1-бетда)

Япония фани сунъий интеллект, нанотехнологиялар, биотехнологиялар, робототехника, космик тадқиқотлар, ядровий тиббиёт, "яшил энергетика" йўналишларидаги илмий изланишлар борасида оламшумул ютуқларга эришмоқда. Хусусан, мамлакатингиздан 28 нафар Нобель мукофоти совриндори етишиб чиққани ҳам бу фикрнинг ёрқин исботидир.

Хурматли дўстлар! Биз замонавий тараққиётнинг қалити айнан илм-фан ва таълимда эканини чуқур англаб, инсон капиталига инвестиция киритишни давлат сиёсати даражасига кўтардик.

Ўтган йили Ўзбекистонинг инновацион ривожлантириш Стратегиясини қабул қилдик. Биз инновацион соҳасидаги илгор мамлакатлар қаторидан ўрин эгаллашни ўз олдимишга вазифа қилиб қўйдик.

Бугунги кунда 33 миллионли юртимиз аҳолисининг 60 фоизини ёшлар ташкил этади. Креатив фикрлайдиган, фаннинг муайян соҳасида чуқур билимга эга, юқори интеллектуал салоҳиятли мутахассислар тайёрлаш устувор мақсадимиз ҳисобланади.

Бунга эришиш учун охириги ўн йилда 36 та янги олий ўқув юртлири ташкил этилиб, институт ва университетларимиз сони 116 тага етказилди.

Бугунги кунда Ўзбекистонда АҚШ, Буюк Британия, Россия, Италия, Жанубий Корея, Ҳиндистон, Сингапур ва бошқа давлатлар етакчи олий ўқув юртлирининг 22 та филиали фаолият кўрсатмоқда.

Давлат кўмагида жаҳоннинг илгор илмий ва таълим марказларида етуқ мутахассислар тайёрлаш ва малакасини ошириш тизими асосда йўлга қўйилди. Бу жараёнларга муносиб хисса қўшиб келаётган Япония халқаро ҳамкорлик агентлиги (ЖАЙКА) фаолиятини миннатдорлик билан эътироф этишни истар эдим.

Япония ҳукуматининг ташаббуси – "Глобал-30" дастури бўйича Нагоя университетининг Марказий Осиё мамлакатлари учун масъул этиб белгилангани гоътада самарали бўлмоқда.

Биз Нагоя университетининг президенти, ҳурматли Мацуо жанобларининг юртимизга бир неча марта ташриф буюриб, илмий ҳамкорлигимизни ривожлантириш борасида қилаётган катта хизматларини алоҳида қадрлаймиз. Айниқса, у кишининг ўтган йили Нобель мукофоти совриндори, профессор Ноёри жаноблари билан биргаликда Ўзбекистонга ташрифи мамлакатимиз илмий ҳаётида муҳим воқеа бўлди.

Хабарингиз бор, Нагоя университетининг мухтарам президенти Мацуо жанобларининг Ўзбекистон илм-фани ривожига муносиб хисса қўшиб келаётганини эътиборга олиб, яқинда Тошкент давлат техника университети илмий кенгаши у кишини ушбу университетнинг фахрий ректори этиб сайлади.

Хурматли анжуман иштирокчилари! Япониянинг "Қадрлар тайёрлаш" дастури доирасида мамлакатимизнинг 300 дан зиёд ёшлари юртингизда магистрлик ва докторлик илмий даражаларини олишига эришдилар. Ўзбекистон – Япония ёшлар инновация маркази орқали ҳам ўнлаб йигит-қизларимиз япон университетларида малака оширмоқдалар.

Мухтарам дўстлар! Албатта, Ўзбекистон ва Япония ҳамкорлигида амалга оширилган ишларимиз эътирофга сазовор. Айни вақтда ҳали бу борада ишга солинмаган имкониятларимиз ҳам борлигини таъкидлаш лозим. Шу муносабат билан айрим тақлифларни билдиришга ижозат этаёйиз.

Биринчидан, Нагоя университетининг ташаббуси билан мунтазам ўтказиб келинаётган Япония – Ўзбекистон университетлари ректорлари аъёнанив – конференциясини илмий ҳаётимизда катта роль ўйнамоқда. Биз ушбу ҳамкорликни янада кенгайтириш мақсадида илмий-академик алмашувлар ва технологиялар трансфери бўйича Ўзбек-Япон қўшма фондини ташкил этишни тақлиф этамиз.

Мазкур фонд ўзаро илмий тадқиқотларни, икки мамлакат ёш олимларининг биргаликдаги илмий изланишларини молилаштириш, талабалар ва профессор-ўқитувчилар алмашуви бўйича қўшма лойиҳаларни амалга оширишга хизмат қилади.

Ушбу фонд фаолияти Ўзбекистонда айна шундай йўналишда иш олиб бораётган "Истеъдод" фондининг маблағлари ҳисобидан молиялаштирилади.

Дастлабки қадамлар сифатида биз ҳар йили Нагоя университетининг 15 нафар профессор-ўқитувчисини Ўзбекистонда азиз меҳмонлар сифатида қабул қилишга тайёр эканимизни билдираман.

Улар ўз фан йўналишлари бўйича мамлакатимиз олий ўқув юртлирида маърузалар ўқиб, амалий машгулотлар, махорат дарслари ўқазиб берсалар, биз низоъда миннатдор бўлардик. Айни вақтда ана шундай алмашувлар дастури асосида ҳар йили мамлакатингизнинг 50 нафар талаба-ёшларини 15 кун давомида Ўзбекистоннинг тегишли олий ўқув юртлирида қўшиб олишга тайёримиз. Ўйлайманки, мана шу 50 нафар талабанинг 50-60 фоизи Нагоя университети талабалари бўлса, айна мудоао бўлар эди.

Ишончим комил, бундай лойиҳалар икки томонлама муносабатларни юқори босқичга кўтаришга катта хисса қўшади. Нега деганда, ёшларимиз ўртасидаги алоқалар мустаҳкам бўлса, дўстлик ва ҳамкорлигимиз албатта самарали ва бардавом бўлади.

Иккинчидан, Нагоя университети ва Ўзбекистон Инновацион ривожланиш вазирлиги ҳамкорлигида мамлакатимиз Фанлар академияси қошида нанотехнологиялар асосида янги материаллар яратиш бўйича қўшма лойиҳаларни амалга оширишни тақлиф этаман.

Учинчидан, Ўзбек-япон археологлари билан биргаликда юртимиз ҳудудида жойлашган буддавийлик тарихи ва маданиятига оид археологик ёдгорликларни илмий ўрганиш ишларини давом эттиришимиз зарур. Биз бу борада япониялик дўстларимиз билан бирга, Термиз давлат университети қошида Ўзбек-Япон илмий марказини ташкил этишдан манфаатдоримиз.

Хурматли ўқувашу қатнашчилари! Биз яқинда Ўзбекистоннинг Япониядаги элчихонасида илм-фан ва инновациялар бўйича маслаҳатчи-вакил лавозимини жорий этдик. Нега десангиз, мен бу учрашувдан олдин хурматли президент Мацуо бошчилигидаги бутун илмий жамоа, Нобель мукофоти лауреатлари, проректорлар, профессорлар билан кўришга

нимда кўп-кўп масалаларни келишиб олдик. Мана шу масалаларни амалга ошириш бўйича бизнинг маслаҳатчи-вакилимиз Нагоя университети билан бевосита шуғулланади. Айтиш мумкинки, у Ўзбекистон Президентининг Нагоя университетидоги ишончли вакили бўлади.

Вақт ўтади, бугунги тарихий учрашувимиз натижалари икки олий ўқув юрти – Нагоя университети ва Тошкент давлат техника университети ўртасидаги алоқаларга, энг асосийси, Ўзбекистон ва Япония ўртасидаги муносабатларимизга катта ижобий таъсири кўрсатади, деб ишонаман.

Мухтарам дўстлар! Ўзбек халқи Япониянинг қадимий тарихи ва бой маданиятига катта ҳурмат ва қизиқиш билан қарайди. Бунинг амалий тасдиғи сифатида яқинда мамлакатимизда "Япония конституцияси", "Япон шеъряти гулдастаси", "Марказий Осиё маданий мероси Япония тўпламларида", "Ўзбекистон япониялик қалбида" каби бир қанча китоб ва альбомлар ўзбек ва япон тилларида чоп этилди.

Ижозатингиз билан, ушбу нашрларни Нагоя университети кутубхонасига тақдим этмоқчиман. Ўйлайманки, мана шу китоблар сизнинг кутубхонангиздан жой олиб, ҳамкорлигимизни янада мустаҳкамлашга хизмат қилади. Бугунги ҳамкорлигимиз, бугунги билдирилган фикрлар, катта-катта тақлифларнинг натижаси сифатида икки-уч йилдан кейин таржима қиладиган китобларимиз янада кўпаяди, деб истак билдираман.

Мен боя учрашув пайтида ҳурматли Мацуо жанобларига айтдим: "Энди сизнинг жамоангиз фақат Нагояда эмас, балки Тошкентда ҳам катта илмий жамоа ҳисобланади, ўзбек олимлари, талабалари сизни ректор сифатида қутади", деб у кишини Ўзбекистонга ташриф буюришга тақлиф қилдим.

Мухтарам президент Мацуо жаноблари! Хурматли университет илмий жамоаси! Сўзимнинг якунида менга ва халқимизга кўрсатган юксак ҳурмат ва эътиромингиз учун ўз номимдан, делегациямиз номидан яна бир бор миннатдорчилик билдириб, барчангизни Ўзбекистонга тақлиф этаман. Эътиборингиз учун раҳмат.

ЎЗБЕКИСТОН – ЯПОНИЯ: САВДО-ИҚТИСОДИЙ, ИНВЕСТИЦИЯВИЙ ВА ТЕХНОЛОГИК ҲАМКОРЛИК СОҲАСИДА ЯНГИ САҲИФА

(Давоми. Боши 1-бетда)

Ўзбекистон Республикаси Президенти Шавкат Мирзиёевнинг Японияга расмий ташрифи доирасидаги навбатдаги муҳим манзил Нагоя университети бўлди.

Нагоя университети дунёдаги энг нуфузли илм-фан ва таълим масканларидан, қитъадаги ўнта энг намунали олий таълим даргоҳларидан биридир. Мазкур университетда дунёга машҳур кўлаб олимлар таълим олган ва меҳнат қилмоқда, бу ердан физика ва кимё фанлари бўйича олти нафар Нобель мукофоти совриндори етишиб чиққан. Бугунги кунда университетда 16 мингдан зиёд талаба таҳсил олади. Шундан 2,6 минг нафарни хорижий мамлакатлар, 30 нафардан ортиғи Ўзбекистон ёшларидир. Ҳозирги кунга қадар мазкур университетда 400 дан ортиқ ўзбекистонлик талаба ва тадқиқотчи таълим олган.

2010 йилда Тошкентда Нагоя университетининг ваколатхонаси очилган эди. МДҲдаги ягона мазкур ваколатхона мамлакатларимиз олий ўқув юртлири учун таълим ва илмий тадқиқотлар соҳасида кўпирч вазифасини ўтамоқда. Бевосита университет иштирокида икки мамлакатда мунтазам ўтказилаётган Ўзбекистон – Япония талабалар академик форуми ва олий ўқув юртлири ректорларининг аъёнанив конференциялари илмий ҳаётимизда катта роль ўйнамоқда.

Давлатимиз раҳбари университет фаолияти билан танишиш, унинг президенти Сейичи Мацуо билан учрашди. Учрашувда бир неча Нобель мукофоти совриндорлари ва бошқа олимлар иштирок этди.

Сизнинг юртимизга илмий ҳамкорлигимизни ривожлантириш борасида қилаётган катта хизматларингизни алоҳида қадрлаймиз. Айниқса, ўтган йили Нобель мукофоти совриндори, профессор Рёжи Ноёри жаноблари билан биргаликда Ўзбекистонга ташрифингиз мамлакатимиз илмий ҳаётида муҳим воқеа бўлди, – деди Шавкат Мирзиёев.

Сейичи Мацуонинг Ўзбекистон илм-фани ривожига муносиб хисса қўшиб келаётганини эътиборга олиб, яқинда Тошкент давлат техника университети илмий кенгаши уни университетнинг фахрий ректори этиб сайлади. Шунингдек, Ўзбекистон Фанлар академияси томонидан профессор Ноёрига фахрий академик унвони берилди.

Учрашувда Президентимиз Сейичи Мацуо ва Рёжи Ноёрини ушбу унвонлар билан таъриқлади. Академик алмашинувларни фаолаштириш ҳамда ҳамкорликнинг устувор йўналишларида қўшма илмий тадқиқотлар амалга оширишга келишиб олинди.

Нагоя университетидида Ўзбекистон Республикаси Президенти Шавкат Мирзиёевга фахрий доктор унвонини топширишга бағишланган тантанали маросим бўлиб ўтди.

Унда университет раҳбарияти, профессор ва ўқитувчилари, талабалари ҳамда Нобель мукофоти совриндорлари, Японияда таҳсил олаётган ўзбекистонлик ёшлар иштирок этди.

Давлатимиз раҳбарининг таълим соҳасини ривожлантиришга қўшган улкан хиссаси ҳамда илм-фан ва академик алмашинувларни ҳар томонлама қўллаб-қувватлагани учун, шунингдек, Ўзбекистонда янги босқичда амалга оширилаётган иқтисодий либераллаштириш ва барқарор тараққиётга эришиш борасидаги ислохотлар эътирофи сифатида Нагоя университетининг илмий кенгаши Ўзбекистон Республикаси Президенти Шавкат Мирзиёевга университет фахрий доктори унвонини бериш тўғрисида қарор қабул қилди.

Маросимда Нагоя университети президенти Сейичи Мацуо сўзга чиқиб, Ўзбекистон раҳбари икки мамлакат ўртасида илм-фан соҳаларидаги алоқаларни ривожлантиришга катта эътибор қаратаётгани, ушбу қарор томонларнинг таълим соҳасидаги узоқ мuddатли ва истиқболли ҳамкорликни янада кенгайтиришга бўлган иштирокини ифодаси эканини таъкидлади.

Президентимиз замонавий тараққиётнинг қалити илм-фан ва таълимда эканини чуқур англаб, инсон капиталига инвестиция киритишни давлат сиёсати да-

ражасига кўтарди. Давлатимиз раҳбари ташаббуси билан таълим соҳаси тубдан ислоҳ қилинмоқда. Ўзбекистоннинг эртанги кунни замонавий кадрларга боғлиқ эканини инобатга олган ҳолда, мактабга таълим, умумий таълим ва олий таълим тизими мазмундан ва сифат жиҳатидан янгиланмоқда.

Мамлакатимизда Президент, ижод ва ихтисослаштирилган мактаблар ташкил этилгани юртимиз фарзандлари учун таълим-тарбия олиш борасида янги имкониятлар яратяди.

Президентимиз Шавкат Мирзиёев ўз нутқида ўзбек ва япон халқларини ўхшаш миллий ва ахлоқий қадриятлар билан бирга, илм-фан ва тафаккурга, қамолотга доимо интилиб яшаш каби эзгу қазилатлар бирлаштириб туришини таъкидлади. Замонавий дунёда инсон капитали, интеллектуал салоҳият, инновацион гоълар, юқори технологиялар жадал ва барқарор тараққиётнинг фундаментал асосини ташкил қилаётганини қайд этди.

– Бу унвонини, мен аввало Ўзбекистон халқига кўрсатилган эътиром ифодаси, деб қабул қиламан ва бунинг учун Нагоя университети раҳбариятига, унинг илмий жамоасига чуқур миннатдорлик билдираман, – деди давлатимиз раҳбари.

Президентимиз Ўзбекистон таълим ва фан соҳаларидаги кенг миқёсли ислохотлар ҳақида сўзлади.

Давлатимиз раҳбари Ўзбекистон – Япония ҳамкорлигида улкан ишлар амалга оширилганини қайд этиб, айни вақтда бу борада ҳали ишга солинмаган имкониятлар ҳам мавжудлигини таъкидлади ҳамда қатор тақлифларни илгари сурди.

Президентимиз Ўзбекистон – Япония азалий дўстлигининг рамзи сифатида мамлакатимизда ўзбек ва япон тилларида чоп этилган бир қанча китоб ва альбомларни Нагоя университети кутубхонасига тақдим этди.

Шу ерда Шавкат Мирзиёев Нагоя шахрида таълим олаётган ва фан билан шуғулланаётган ватандошларимиз билан учрашди.

Давлатимиз раҳбарининг ташрифи доирасида Нагоя университетидида Ўзбекистон – Япония талабаларининг академик форуми ташкил этилди.

Ўзбекистон Республикаси Президенти Шавкат Мирзиёев куннинг иккинчи ярмида Токиога шахрига келди.

"Ханэда" халқаро аэропортида давлатимиз раҳбарини Япония таълим, маданият, спорт, фан ва технологиялар, таълим тизимини тиклаш масалалари вазири Хагиуда Кочи, Япония Ташқи ишлар вазирлигининг Марказий Осиё бўйича махсус вакили Хидеки Уяма ва бошқа расмий шахслар қутиб олди.

Ўзбекистон Республикаси Президентини Шавкат Мирзиёев Токио шахридаги Акасака қароргоҳида Япония Бош вазири Ўринбосари, молия вазири Таро Асо-ни қабул қилди.

Давлатимиз раҳбари Ўзбекистон билан Япония ўртасидаги дўстлик ва стратегик шериклик муносабатлари ҳар томонлама мустаҳкамланиб, савдо-иқтисодий ҳамкорлик кенгайиб бораётганини катта мамнунлиқ билан қайд этди.

Олий даражадаги ташриф арафасида икки мамлакатнинг кўп сонли компания ва банклари иштирокида ўтган бизнес-форумнинг юқори натижалари юксак баҳоланди.

Учрашувда инвестициявий, технологик, молиявий ва молиявий-техник ҳамкорликни кенгайтириш, қишлоқ хўжалиги, энергетика ва бошқа соҳаларда қўшма лойиҳаларни илгари сурди истиқболлари муҳокама қилинди.

Ташриф давомида солиқ соҳаси ва божхона иши бўйича имзоланаётган икки томонлама битимлар аҳамияти қайд этилиб, бу узоқ мuddатли ишбилармонлик алоқаларини ривожлантириш учун қулай шароитлар яратишни таъкидланди.

Иқтисодий тармоқлари ва молия тизимини ислоҳ этишининг долзарб масалалари юзасидан ҳам фикр алмашилди.

Ўзбекистон Республикаси Президенти Шавкат Мирзиёев Япония парламентининг "Ўзбекистон – Япония" дўстлик лигаси вакиллари билан учрашди. Тад-

бирда ушбу лиганинг қатор аъзолари, жумладан, унинг раиси – Япония Бош вазири Ўринбосари, молия вазири Таро Асо иштирок этди.

Парламентлараро алоқалар кўп қиррали Ўзбекистон – Япония ҳамкорлигига мустаҳкам асос бўлиб хизмат қилади.

Икки мамлакат қонун чиқарувчи органлари ўртасида алоқалар 1993 йилда ўрнатилган. Япония парламентида "Ўзбекистон – Япония" дўстлик лигаси ташкил этилган. Унинг таркибига таниқи сиёсат арбоблари, депутатлар, дипломатлар, энг асосийси, мамлакатимизнинг чинакам ва ишончли дўстлари киряди.

Мулоқот чоғида икки мамлакатнинг амалий ҳамкорлигини кенгайтириш, Ўзбекистон ва Япония халқлари дўстлигини мустаҳкамлашнинг долзарб масалалари кўриб чиқилди.

Хозиргача парламентлараро форумнинг иккита қўшма мажлиси бўлиб ўтган. Унинг учинчи мажлисини Тошкентда ўтказиш тўғрисида келишувга эришилди.

Ўзбекистон Республикаси Президенти Шавкат Мирзиёев Токио шахрида Япония ишбилармон доиралари вакиллари билан учрашув ўтказди. Унда JETRO, JICA, JABIC, NEDO, JOGMEC, Mitsubishi, Itochu, Sumitomo, Marubeni, Isuzu каби корпорация ва компаниялар, молиявий тузилмалар раҳбарлари иштирок этди.

Учрашув аввалда 16 декабрь кунни Токиода бўлиб ўтган Япония – Ўзбекистон бизнес-форуми натижалари ҳақида ахборот берилди.

Президентимиз Япония компаниялари ва молиявий тузилмаларини Ўзбекистонда инвестиция лойиҳаларини амалга оширишда фаол иштирок этишга тақлиф қилди.

– Япония – бизнинг стратегик шеригимиз. Ўзбекистонда иқтисодий тармоқлари ва инфратузилмани модернизация қилиш бўйича ҳамкорликда кўп ишлар қилинди. Биз бу алоқалар тарихида янги саҳифа очиб ниятида келдик. Савдо, энергетика, геология, кимё, транспорт, туризм, мева-сабзавотларни қайта ишлаш ва хизмат кўрсатиш тармоқларида имкониятлар, янги лойиҳалар кўп, – деди Шавкат Мирзиёев.

Иқтисодий тармоқлари ва ҳудудларга тўғридан-тўғри хорижий инвестициялар фаол жалб этилмоқда. Хорижий инвесторлар учун кенг имкониятлар яратилмоқда. Улар фаолиятини рағбатлантириш ва химоя қилиш учун зарур норматив-ҳуқуқий ҳужжатлар қабул қилинди. Биз-несни ривожлантириш йўлидаги турли тўсиқларга барҳам берилди, тақси савдо ва божхона-тариф назорати сезиларли даражада қисқартрилди.

Ишбилармонлик муҳитини яхшилашга қаратилган ушбу янгиланишлар натижасида Жаҳон банкининг "Биз-несни юритиш – 2020" рейтингига Ўзбекистон кейинги бир неча йил ичида 100 поғона кўтарилиб, 69-ўринни эгаллади ҳамда йигирмата энг намунали ислохотчи давлат қаторига кирди. Янги қорхона очиб қўлайлиги бўйича мамлакатимиз илк бор дунёда саккизинчи ўринни эгаллади.

Президентимиз Ўзбекистонда амалга оширилаётган ислохотлар ортга қайтмаслигини, иқтисодий эчиш модернизация қилинишини таъкидлади.

Япониялик тадбиркорлар юртимиздаги ўзгаришларни юқори баҳолади. Валюта тизимининг либераллаштирилиши, виза олиш тартибининг соддалаштирилиши ўзаро манфаатли ҳамкорликни кенгайтириш учун қулай имкониятлар яратганини таъкидлади. Улар Ўзбекистон Президентининг расмий ташрифи икки мамлакат ишбилармон доиралари ўртасидаги ўзаро манфаатли алоқаларни янги мазмун билан бойитишига ишонч билдирди.

Учрашувда икки мамлакат компаниялари ва молиявий ташкилотлари ўртасидаги шерикликни янада ривожлантириш, қўшма дастур ва лойиҳаларни амалга ошириш, ўзаро товар етказиш ва хизмат кўрсатиш ҳажмини ошириш масалалари муҳокама қилинди.

Ўзбекистон Республикаси Президенти Шавкат Мирзиёевнинг Японияга расмий ташрифи давом этмоқда.

Матназар ЭЛМУРОДОВ,
ЎЗА махсус мухбири
Япония

ЎЗБЕКИСТОН ЎЗARO МАНФААТЛИ ҲАМКОРЛИК УЧUN ОЧИҚДИР

(Давоми. Боши 1-бетда)

– Ўзбекистон билан ҳамкорлик қилишдан манфаатдор бўлган барча давлатлар ва компанияларни қизиқтирадиган бир савол билан мурожаат қилишга рухсат этсангиз: мамлакатда кенг миқёсдаги ислохотлар давом эттириладими, кейинги таркибий ўзгаришлар қандай бўлади?

– Кўп йиллар давомида тўплаиб қолган муаммоларни ҳал қилиш, халқаро майдонда миллий иқтисодийнинг рақобатбардошлигини таъминлаш учун 2017 йилдан эътиборан, Ўзбекистон Республикасини ривожлантириш бўйича Харакатлар стратегиясига мувофиқ, мамлакатни янгилаш ва модернизация қилиш бўйича кенг қўламли ислохотларни бошладик. Иқтисодий либераллаштириш ишлари ва маъмурий ислохотлар босқичма-босқич амалга оширилмоқда, миллий валютанинг эркин конвертацияси жорий этилди.

Биз рақобат ва тадбиркорликни янада ривожлантириш, хусусий мулкни химоя қилишнинг қатъий қарорларини, мазкур соҳада очилки ва шаффофликни таъминлаш, бизнес ва сармоя муҳитини яхшилашга муҳим аҳамият қаратмоқдамиз. Буларнинг барчаси, жумладан, Ўзбекистоннинг ЖСТга аъзо бўлишига қаратилган.

Биз хорижий инвесторларнинг кўллаб-қувватлашдан умидворимиз. Ҳукуматимиз хорижий инвестицияларни имкон қадар химоя қилиш ва Ўзбекистонга сармоялар оқимини кенгайтириш мақсадида ишончли рағбатлантириш оммилларини таъминлаш учун барча зарур чораларни кўради.

Бугунги кунда Ўзбекистондаги демократик ислохотлар ортга қайтмайдиган даражада муқаррар тус олди, деб айтиш учун барча асосларимиз бор. Чунки, бу ислохотлар бизнинг миллий манфаатларимизга, халқимизнинг орзу-интилишларига мос келади.

– 2016 йилда мамлакат Президенти лавозимига сайланганидан сўнг Сиз ҳокимиятни демократлаштириш ва унинг очиллигини таъминлаш сиёсатини амалга оширишга киришингиз. Ушбу сиёсатдан қараганда, бўлажак парламент сайловларининг аҳамияти нималардан иборат?

– Давлат раҳбари сифатидаги фаолиятимнинг илк кунларидан бошлаб жамиятимиз ҳаётининг барча соҳаларини либераллаштириш, мамлакатнинг янгиланиши ва модернизация қилинишига биринчи даражали аҳамият қаратиб келмоқдаман.

Бугунги кунда Ўзбекистонда инсон ҳуқуқларини таъминлаш ва химоя қилиш давлат сиёсатининг устувор йўналиши ҳисобланади.

Шуни қайд этиш керакки, Ўзбекистон виза режими энг либерал давлатлар рўйхатида МДҲ ҳудудида иккинчи ва Марказий Осиёда биринчи ўринда туради. Хозирги вақтда бизнинг мамлакатимизга 86 та давлат фуқаролари кириш визасини олмасдан келиш-кетиши мумкин.

Бугун Ўзбекистон аҳолисининг 60 фоизини ёшлар ташкил этади. Биз, албатта, ёш авлод ҳақида ҳар томонлама ҳаммуҳир қиламиз.

Бўлажак парламент сайловлари миллий мустақиллигимизни янада мустаҳкамлаш, Ўзбекистоннинг дунёдаги ривожланган демократик давлатлар қаторига кириши йўлида яна бир амалий кадам бўлади.

– Ўзбекистон ташқи сиёсатда қандай тамойилларга таянади?

– Бизнинг мақсадимиз – халқаро майдонда, жумладан, жаҳон хўжалик муносабатларида муносиб ўрин эгаллашдан иборат. Ўз-ўзидан равшанки, ташқи сиёсатимизнинг бош устувор йўналиши – Марказий Осиё минтақасидир. Сўнги уч йил мубоайида Марказий Осиёда мутлақо янги сиёсий муҳит шаклланди, ўзаро сиёсий ишонч сезиларли даражада ортди, кооперацион ва гуманитар алоқалар фаоллашди.

Минтақамизда барқарорликни таъминлаш қўшни Афғонистонда тинчликка эришиш билан чамбарчас боғлиқдир.

Евроосийнинг транспорт-транзит ва ишлаб чиқариш салоҳиятини оширишга қаратилган халқаро ташаббусларни кўллаб-қувватлашимиз, минтақамиз орқали Шарқдан Фарбга ва Шимождан Жанубга ўтадиган мавжуд транспорт ва иқтисодий коридорларни мустаҳкамлаш ва янгиларини яратиш тарафдоримиз.

Биз барча шерик давлатлар – Россия, АҚШ, Хитой, Жанубий Корея, Европа давлатлари ва муслмон дунёси мамлакатлари билан ўзаро манфаатли ҳамкорликни янада мустаҳкамлашдан манфаатдоримиз.